



Broj: UV-150-02-1- ~~829~~-G /23 MM
Sarajevo, 04.04.2023. godine

Na osnovu člana 69. stav (2) tačka d) i člana 70. stav (1) i (4) Zakona o javnim nabavkama (Službeni glasnik BiH, 39/14 i 59/22), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, broj: UV-122-01-1-1045-11/21 od 28. aprila 2021. godine, broj: UV-104-01-1-1425-15/21 od 29. juna 2021. godine i broj: UV-122-01-1-2029-11/22 od 28. novembra 2022. godine i člana 13. stav (3), člana 43. stav (1) i člana 45. stav (2) Pravilnika o javnim nabavkama, broj: UV-150-01-1-1467-3/20 od 27.07.2020. godine, Upravno vijeće Centralne banke Bosne i Hercegovine na 3. sjednici od 30.03.2023. godine, donosi

ODLUKU

o poništenju postupka javne nabavke usluga – isporuka plina

Član 1.

(1) Ovom odlukom poništava se postupak javne nabavke usluga – isporuka plina, putem pregovaračkog postupka bez objave obavještenja o nabavci, ukupne procijenjene vrijednosti u iznosu od 180.000,00 KM.

(2) Postupak se poništava za sljedeće lotove:

- a) Lot 1 – isporuka plina za potrebe Centralnog ureda Centralne banke Bosne i Hercegovine, procijenjene vrijednosti u iznosu od 130.000,00 KM i
- b) Lot 2 – isporuka plina za potrebe Centralne banke Bosne i Hercegovine – Glavne jedinice Sarajevo, procijenjene vrijednosti u iznosu od 50.000,00 KM.

(3) Postupak se poništava jer nijedna od primljenih ponuda nije prihvatljiva.

Član 2.

Za realizaciju ove odluke zadužuju se Odjeljenje za zajedničke poslove Centralnog ureda Centralne banke Bosne i Hercegovine, Centralna banka Bosne i Hercegovine – Glavna jedinica Sarajevo, Odjeljenje za javne nabavke Centralnog ureda Centralne banke Bosne i Hercegovine i Odjeljenje za računovodstvo i finansije Centralnog ureda Centralne banke Bosne i Hercegovine.

Član 3.

Ova odluka će se objaviti na web-stranici Centralne banke www.cbbh.ba u skladu s članom 70. stav 6. Zakona o javnim nabavkama.

O b r a z l o ž e n j e

Postupak javne nabavke usluga – isporuka plina, pokrenut je Odlukom o pokretanju postupka javne nabavke usluga – isporuka plina, putem pregovaračkog postupka bez objave obavještenja o



nabavci, broj: 150-16-35-251-3/23 MM od 23.02.2023. godine. U skladu s tim, Centralna banka je 02.03.2023. godine na Portalu javnih nabavki objavila Informacije o pregovaračkom postupku bez objave obavještenja o nabavci, broj: 1370-4-2-168-20-14/23.

U predviđenom roku za prijem zahtjeva za učešće, odnosno do 13.03.2023. godine, do 10.00 sati dostavljen je zahtjev za učešće kandidata:

- Papić d.o.o., Obilaznica bb, 80 240 Tomislavgrad.

Komisija za provođenje postupka javne nabavke je pregledala dostavljeni zahtjev za učešće i utvrdila da je kandidat dostavio traženu dokumentaciju ali je isti neprihvatljiv, jer kandidat nije ovlašten niti tehnički može obavljati poslove distribucije prirodnog plina u Kantonu Sarajevo.

Naime, postupak javne nabavke usluga – isporuka plina je pokrenut na osnovu člana 21. tačka c) Zakona o javnim nabavkama („Službeni glasnik BiH“, broj: 39/14 i 59/22), jer je Sarajevogas d.o.o. Sarajevo ekskluzivni pružalac usluga isporuke plina distribucijskom mrežom u Kantonu Sarajevo, iz dokazivih tehničkih razloga, kako slijedi:

- Zakonom o imovini Kantona Sarajevo (Službene novine Kantona Sarajevo, broj: 6/97) određeno je da je Kanton Sarajevo pravni sljednik Grada Sarajeva u imovini i imovinskim pravima, u skladu sa Zakonom o područjima općina SRBiH, čime preuzima vlasništvo nad svom imovinom Grada Sarajeva, dakle i nad distribucijskom mrežom kojom se vrši distribucija plinovitih goriva.
- Članom 4. tačka b) Uredbe o snabdijevanju prirodnim gasom Kantona Sarajevo (Službene novine Kantona Sarajevo, broj: 22/16) definisano je sljedeće: „*Snabdjevač, odnosno distributer prirodnog gasa na distributivnom gasnom području gasnog sistema Kantona Sarajevo smatra se pravno lice koje obavlja poslove distribucije prirodnog gasa i ima odgovornost za pogon, održavanje, razvoj distributivnog gasnog sistema, te nabavku i isporuku gasa u Kantonu Sarajevo*“.
- Uvidom u Registar poslovnih subjekata Federacije BiH na web-stranici <https://bizreg.pravosudje.ba/> može se provjeriti da je Sarajevogas d.o.o. Sarajevo osnovan pod punim nazivom kao „Kantonalno javno komunalno preduzeće za snabdijevanje prirodnim gasom Sarajevogas d.o.o. Sarajevo“ i da je njegov osnivač Kanton Sarajevo.
- Na web-stranici Sarajevogas d.o.o. <https://www.sarajevogas.ba> navedeno je sljedeće: „*Osnovna djelatnost preduzeća je distribucija plinovitih goriva distribucijskom mrežom i trgovina plinom distribucijskom mrežom. Osim toga, preduzeće se bavi projektovanjem, izgradnjom i održavanjem distributivnih plinskih mreža i priključaka.*“

Iz naprijed navedenog je jasno da postoje dokazivi tehnički razlozi, zbog kojih se ugovor, za usluge koje su predmet ovog postupka javne nabavke, može dodijeliti isključivo određenom dobavljaču - Sarajevogas d.o.o. Sarajevo.

U tenderskoj dokumentaciji, koja je objavljena na Portalu javnih nabavki, je navedeno da se postupak provodi na osnovu člana 21. tačka c) Zakona o javnim nabavkama, te da je Sarajevogas ekskluzivni pružalac usluge.

Komisija je Zapisnikom o pregledu i ocjeni dokumentacije – pretkvalifikacija, broj: 149-16-35-731-4/23 od 21.03.2023. godine, dala preporuku kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

**Predsjedavajući
Upravnog vijeća Centralne banke
Bosne i Hercegovine**

**GUVERNER
dr. Senad Softić**



A handwritten signature in blue ink, which appears to be 'dr. Senad Softić', written over the official seal.

Dostaviti:

- guverneru
- viceguvernerima
- predsjedniku i članovima komisije
- Uredu glavnog internog revizora
- sekretaru Uprave i Upravnog vijeća
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za zajedničke poslove
- Glavnoj jedinici Sarajevo
- u spis predmeta (original)
- arhiva